



Lipoti mo le Fono Aoa Faitulafono

**Tulafono Tau Faaofi o Tulaga o Tagatanuu
i le Teufaafaigaluegaina o
Tupe mai Fafu 2014.**

**Komiti o Mataupu Tau Faamasinoga, Leoleo & Falepuipui
ma Faamasinoga o Fanua ma Suafa.**

1. FAUTUAGA

Ua fautuaina e le Komiti o Mataupu Tau Faamasinoga, Leoleo & Falepuipui ma Faamasinoga o Fanua & Suafa.

2. TULAFONO TAU FAAOFI NA ILOILOINA.

(Tuuina atu 18/02/2015)

Tulafono Tau Faaofi o Tulaga o Tagatanuu i le Teufaafaigaluegaina o Tupe mai Fafu 2014.

O le aso 18 o Fepuari 2015 na tuuina mai ai e le Fono Aoa le Tulafono Tau Faaofi o Tulaga o Tagatanuu i le Teufaafaigaluegaina o Tupe mai Fafu 2014, i le Komiti o Mataupu Tau Faamasinoga¹, e iloiloina ma toe lipoti atu i le Fono Aoa Faitulafono (“Fono Aoa”) e tusa ai ma Tulafono Tumau².

3. TAUALUMAGA

Na valaauina le mamalu o le atunuu mo ni finagalo faaalua po o ni finagalo tusitusia e faatatau i lenei Tulafono Tau Faaofi e ala i faasalalauga faalauaitele na faasalalauina i le Leitio Faasalalau o le 2AP, ma faasalalauga faalauaitele sa faasalalauina i luga o le TV1 a le Faalapotopotoga o Faasalalauga a Samoa(SQB), i le aso 25, 26 & aso 27 Mati 2015.

Na amatalia taualumaga o fonotaga a le Komiti mo le iloiloina o le Tulafono Tau Faaofi o Tulaga o Tagatanuu i le Teufaafaigaluegaina o Tupe mai Fafu 2014, i le aso 14 o Aperila 2015, mo le fofogaina o molimau tuufoga ma molimau tusitusia e faatatau i le Tulafono Tau Faaofi lenei.

Na tapā e le Komiti molimau ma le lagolago a le Ofisa o le Loia Sili, ma nisi o Matagaluega a le Malo a o faagasolo ana iloiloiga i lenei Tulafono Tau Faaofi.

¹ Tulafono Tumau 173(1) – TUISA Tasi Patea, AFOAFOUVALE John Moors MP, LAFATELE Patrick Leiatuaalesa, PAPALII Lio F Leiatuaalesa MP, LEFAU Harry SchusterMP, TAPUAI Toese Ah Sam & LENATAI Victor Tamapua MP.

² Tulafono Tumau 173(2) – iloiloina o se Tulafono Tau Faaofi e tuuina atu e le Fono Aoa.

4. OTOOTOGA O SAILILIGA.

I tualumaga o iloiloga a le Komiti e tusa ai ma le molimau a le Matagaluega o Pisinisi, Alamanuia ma Leipa, o le sini autu o le Tulafono Tau Faaofi o Tulaga o Tagatanuu i le Teufaafaigaluegaina o Tupe mai Fafu 2014, o le u'unaia lea o tupe e teufaafaigaluegaina i totonu o Samoa e tagata mai fafo, e ala i le faatagaina o itu e agavaa ai i tulaga o tagatanuu e tauala i tupe teufaafaigaluega.

Ua matauina e le Komiti e mafai ona agavaa tagata mai fafo e umia tulaga o tagatanuu e tusa ai ma aiaiga o lenei tulafono, pe afai ua teufaafaigaluegaina se tapulaa aupito maualalo o se vaegatupe e \$4 miliona i totonu o Samoa.

Ua faapea foi ona faatulaga mai i aiaiga o le Tulafono Tau Faaofi le faagasologa o le teufaafaigaluegaina o tupe ma talosaga e faafaigaluega ai i le maea ai ona tuuina atu muamua i le tagata e teufaafaigaluegaina ana tupe, se pemita e tolu (3) tausaga e nofomau ai a o lē i agavaa e talosaga mo le tulaga o tagatanuu e ala i tagata nofomau i lalo o le Tulafono o Tulaga o Tagatanuu 2004. E mafai foi ona aofia ma agavaa i le talosaga a le tagata e teufaafaigaluega ana tupe lona toalua, ma so o se tasi o lana fanau e lē i faaipopo e i lalo ifo o le 18 tausaga le matua.

4.1. AOTELEGA O MOLIMAU.

I le lauliliuina o finagalo faaalua o le mamalu o le atunuu sa maua le avanoa e afifio mai ai i tualumaga a le Komiti, sa maitauina ai i lona aotelega le teena o le faagasologa po o tualumaga (process) e tusa ai ma aiaiga o lenei Tulafono Tau Faaofi ina ia agavaa ai se tagata mai fafo e umia tulaga o tagatanuu ma nofo ai i totonu o Samoa.

O le mau e tusa ai ma faiga faavae lenei a le Malo mo le umia o tulaga tau tagatanuu e pei ona aiaia i totonu o le Tulafono, sa faaalua ai ni atugaluga ona e foliga mai e lē o mautu mai i le Tulafono lenei se pa puipui e faatonutonu ai le malaga mai i Samoa nei o tagata fai pisinisi mai fafo e i ai le tamaoaiga, ma teufaafaigaluegaina o latou tupe iinei. O le aotelega o lenei mau, ina nei o mai tagata mai fafo toe tauvā ma tatou tagata faipisinisi, ma aafia ai atinae a tatou lava tagatanuu.

O nisi o vaega sa faaalua ma fesiligia ai e molimau le Malo e tauala i tualumaga a le Komiti, pe o le tuuina atu o sitiseni mo tagatanuu o le a tosina mai ai tagata

faipisinisi mai atunuu i fafo i totonu o Samoa, pe o le avanoa e faavae ai o latou pisinisi i le tatou atunuu o le itu taua lea. O le faataitaiga aupito sili ona talafeagai e pei ona fofogaina e molimau o le kamupani o le Yazaki ma Aggie Greys Resort. Ua faavae nei pisinisi i totonu o le tatou atunuu, ae e lē o faatauina lava ni sitiseni po o tagatanuu mo i latou.

4.2. UMIA O FANUA.

O fanua o le isi lea o vaega sa mafuli iai finagalo faaalua o molimau sa fofogaina finagalo e faatatau i lenei Tulafono Tau Faaofi. Ua maitauina e le Komiti e tusa ai ma molimau, e lē o toe telē se vaega o fanua umia saoloto (Freehold Land) o totoe nei e pei ona faamauina ma resitaraina i lalo o le Vaega o Fanua a le Matagaluega o Punaoa Faanatura & Siosiomaga. O le popolega e pei ona faaalua, ina ne'i agai mai tagata faipisinisi nei mai fafo faatau uma fanua umia saoloto, ma lisi atu ai ma nisi o fanua faaleaganuu e faamausali ai lo latou naunau e teufaafaigaluega tupe iinei. E iai le talitonuga, e ono iai faafitauli e tulai mai e pei o le lē o toe i ai o se malosiaga a Lē e ona le fanua pe a maea ona faatauina atu.

O se tasi o mataupu sa fesiligia ai le Komiti, pe afai ae taunuu mai tagata faipisinisi se toafa resitara ma teufaafaigaluega tupe iinei, o ai tonu la e resitara ai le fanua o le a lisiina?

O nisi nei o vaega sa faatauina e le Komiti ma soalaupuleina ma nisi o Matagaluega a le Malo ma le Ofisa o le Loia Sili le tulaga e pei ona taua e le Matagaluega o lo o faapopoleina ai le toatele o le atunuu, o eleele po o fanua faaleaganuu. E leai se malosiaga o i ai i le Tulafono Tau Faaofi e faamalosiaga ai le resitalaina ma le lisiina atu o fanua faaleaganuu. O le lisiina atu o fanua faaleaganuu o le maliega lava a le Matai o lo o tausia le aiga ma lona auaga.

Ua maitauina foi e le Komiti, o lo o malu puipuia eleele faaleaganuu i lalo o aiaiga o le Faavae e pei ona aiaia i le Mataupu 102,

“102. E le faaliliueseina atu eleelele tau le aganuu - O le a le tusa ai ma le tulafono po o le le mafai e so o se tagata ona faaliliueseina atu po o le aveesea mai ia te ia o eleelele tau le aganuu po o se itu e tau atu ai i eleelele tau le aganuu, i se auala o le faatau atu, lisi, laisene, mokesi, po o se tasi lava faiga, o le a le mafaia lava se eleelele tau le aganuu po o se itu e tau i ai ona avea i le faamaapeina po o le fai ma mea e totogiina ai ni aitalafu a so o se tagata ina ua maliu po o le le mafai ona togia o aitalafu.”

Vagana ai ona ua faapea, o se Tulafono a le Palemene e mafai ai ona faatagaina:-

(a) Le tuuina atu o se lisi po o se laisene o so o se eléele faale-aganuu po o se itu e tau atu i ai i lea eléele:-

(e) Le aveina o so o se eléele faale-aganuu po o le tau atu i ai i lea eléele mo galuega tau le Malo.

O le teuteuina o so o se aiaiga po o se Mataupu o le Faavae, e manaomia ai le lagolagoina e le lua-vae-tolu o le faitau aofai atoa o Sui Usufono o le Palemene. O le Mataupu 102 o le Faavae o lo o faaalua manino ai le lē mafai ona faaliliueseina atu o fanua tau le aganuu. O lona uiga, e le mafai lava ona aafia fanua faaleaganuu i ni fefa'atauaiga seia vagana ai ua teuteuina le vaega lenei o le Faavae po o le usitaia foi o aiaiga o le Mataupu 109 o le Faavae e ala i finagalo faaalua o le atunuu e ala i se faiga palota tele mo Itumalo Faaalalafaga uma o le atunuu.

4.3. TEUTEUGA UA FAUTUAINA E LE KOMITI.

Ona ua maitauina i tualumaga a le Komiti atugaluga ma le popolega i nisi o finagalo o molimau sa faaalua o latou manatu e tusa ai ma aiaiga o lenei Tulafono Tau Faaofi, ua fautuaina ai e le Komiti nisi o teuteuga ua manatu le Komiti ua talafeagai. O teuteuga e pei ona fautuaina na afua mai i faatalatalanoaga ma molimau faatasi ai ma finagalo faaalua o nisi o Sui Usufono o le Palemene i luga o le Faitauga Faalua o le Tulafono Tau Faaofi.

5. ILOILOGA AUILIILI O LE TULAFONO TAU FAAOFI.

I le iloiloaina auiliili o lenei Tulafono Tau Faaofi i ona Fuaiupu taitasi, ua faamalieina le Komiti ma o lo o talafeagai aiaiga uma ua faatulaga mai, seia vagana ai Teuteuga ua fautuaina i Fuaiupu e pei ona taua i lalo:-

1. Fuaiupu	-	6	6. Fuaiupu	-	18
2. Fuaiupu	-	7	7. Fuaiupu	-	19
3. Fuaiupu	-	10	8. Fuaiupu	-	23
4. Fuaiupu	-	15	9. Fuaiupu	-	24.
5. Fuaiupu	-	17	10. Faamatalaga		

5.1. Fuaiupu 6.

E fautuaina e le Komiti teuteuga i le Fuaiupu 6(3) e faapea:-

- i) Aveese le upu *“i lalo o”* ma suia i le upu *“mo”*, talu ai ona o le **“aofaiga ua fuafuaina”** ua faamatalaina le uiga e pei ona taua o le aofaiga ua fuafuaina i lalo o le fuaiupu 23, ma faitauina ai le fuaiupu **“6(3) fou”** e faapea:-

Fuaiupu 6(3);

“(3) Ae vagana ai ua faia se aofaiga ua fuafuaina mo le faafuaiupu (1), o le aofaiga aupito maualalo ua fuafuaina e faapea:

- (a) mo le faafuaiupu (1)(b), e \$4 miliona; ma**
- (b) mo le faafuaiupu (1)(c), e \$2.5 miliona”.**

5.2. Fuaiupu 7.

1. Fuaiupu 7(1).

la soloia faaupuga **“po o so o se fanua ua faatonuina”** e pei ona aliaie mai i le faafuaiupu 7(1) ma faitauina ai le faa-fuaiupu (1) fou e faapea:-

“(1) E mafai e se tagata o teufaafaigaluega ana tupe ona faafaigaluega ana tupe i se galuega ua agavaa e teufaafaigaluega ai tupe, se aofaiga ua fuafuaina i le atiaaina, i totonu o le tolu (3) tausaga talu mai le aso o le talosaga, se lisi o se fanua o le Malo”.

2. Fuaiupu 7(2).

la soloia faaupuga **“po o le faamaonia o so o se fanua ua faatonuina”** e pei ona aliaie mai i le faa-fuaiupu 7(2) ma faitauina ai le faa-fuaiupu (2) fou e faapea:-

“(2) E mafai e le Minisita, i le i ai o le faamaoniga a le Kapeneta, ona faamaonia so o se fanua o le Malo lea e mafai ona tuuina atu ai se lisi e tusa ai ma le faafuaiupu (1) mo le faamoemoe o lenei fuaiupu”.

3. Fuaiupu 7(3).

la soloia faaupuga “**po o le faatauina mai o so o se fanua ua faatonuina**” e pei ona aliae mai i le faa-fuaiupu 7(3) ma faitauina ai le faa-fuaiupu (3) fou e faapea:-

“(3) E mafai e le Komiti ona fuafuaina pe faamatuu atu pe leai foi se lisi o fanua o le Malo i le tagata e teufaafaigaluega ana tupe a o lumanai ai le aso o le talosaga, pe o le a avea ai ma vaega o se galuega ua agavaa e teufaafaigaluega ai tupe i lalo o le faafuaiupu (1)”.

Afuaga o le Teuteuga;

Na laga lenei mataupu i nisi o molimau, peitai o le fuaiupu 7, na faamoemoe ina ia muamua ona faaaoga i le lisiina atu o fanua o le Malo, ma e ono mafai ona faalautele atu i se taimi o muamua, i fanua umia saoloto, la lea na mafua ai ona faaaoga o “**fanua ua faatonuina**”. O fanua faaleaganuu o lo o faaalua manino le tulaga e le o aafia ai i lalo o le fuaiupu 3(b).

Ua finagalo malie le Matagaluega ina ia aveesea o faasinomaga uma i “**fanua ua faatonuina**”, i totonu o le Tulafono Tau Faaofi.

5.3. Fuaiupu 10(1).

la faaofi faaupuga “**po o, se sui o le aiga, i se itu e talafeagai ai**” ina ua tuanai le upu “**tupe**” i le fuaiupu “**10(1)**” ma faitauina ai le fuaiupu 10(1) fou e faapea:-

“10. Faagasologa o talosaga-(1) E lē tatau ona taliaina se talosaga pe afai o le tagata o lo o teufaafaigaluega ana tupe po o, se sui o le aiga, i se itu e talafeagai ai:

(a) sa ia po o ua talitonuina lona tuuina atu o faamatalaga sese po o e tau faasese i totonu o le talosaga po o faamatalaga e lagolago ai le talosaga; po o”

Afuaga o le Teuteuga;

O lenei teuteuga na laga a o faagasolo felafolafoaiga i le Faitauga Faalua o le Tulafono Tau Faaofi. O le teuteuga o le a faamautinoa ai le aafia ai o sui o le aiga.

5.4. Fuaiupu 15(3).

la faaofi faaupuga “e tusa ai ma taualumaga ua faatonuina,” ina ua tuanai le upu “Tetee” i le faa-fuaiupu “15(3)” ma faitauina ai le faa-fuaiupu (3) fou e faapea:-

“(3) E mafai e le Komiti o Talosaga Tetee, e tusa ai ma taualumaga ua faatonuina, ona :

- (a) faafogaina ma faia le faaiuga o le talosaga tetee; ma
- (b) faalēaogāina le talosaga tetee ma faamaonia le faaiuga a le Fono ina ia talia le talosaga; po o
- (c) e faatagaina le talosaga tetee ma talia le talosaga mo tulaga o tagatanuu”.

Afuaga o le Teuteuga;

O lenei teuteuga ua faia ina ia faamanino ai e faapea, afai e fuafuaina e se Komiti o Talosaga Tetee ni talosaga tetee, e ao ona faia e tusa ai ma taualumaga ua faatonuina e tulafono faatonutonu ua faia i lalo o le fuaiupu 24 o le Tulafono Tau Faaofi.

5.5. Fuaiupu 17(1).

la faaofi faaupuga “e aofia ai se sui o le aiga po o ni sui” i le parakalafa (a) & (c) o le Fuaiupu “17(1)” ma faitauina ai le faa-fuaiupu fou e faapea:-

“17. Faamatuu atu o tulaga o tagatanuu e ala i tupe teufaafaigaluega-(1) I totonu o le tolu (3) masina a o lumanai ai ona muta le aogā o le pemita nofomau o le tagata o lo o teufaafaigaluega ana tupe, e mafai e le tagata o lo o teufaafaigaluega ana tupe, e aofia ai so o se sui o le aiga, ona talosaga ia lava po o e ala i lana sooupu mo le tulaga o tagatanuu e ala i le nofomau e tusa ai ma le fuaiupu 8 o le Tulafono o Tulaga o Tagatanuu 2004, pe afai o lea tagata o lo o teufaafaigaluega ana tupe:

- (a) e aofia ai se sui o le aiga po o ni sui na aumau i Samoa a itiiti mai e 15 aso i le tausaga a o faagasolo le vaitaimi e tolu (3) tausaga o le pemita o le tagata nofomau; ma
- (b) ua tausisia fuafuaga o tupe teufaafaigaluega ua faamalieina ai le Komiti; ma

(c) e aofia ai se sui o le aiga po o ni sui ua tausisia so o se isi lava manaoga ua faatonuina”.

Afuaga o le Teuteuga:

Ina ia ogatasi ma meataitasi 3 i le teuteuga o le (fuaiupu 10).

5.6. Fuaiupu 18(3).

la soloia faaupuga “i lalo o” e pei ona aliae mai i le faa-fuaiupu 18(3) ina ia faitauina ai le faa-fuaiupu (3) fou e faapea:-

“(3) Afai e leai se aofaiga na fuafuaina mo le faafuaiupu (2), o le aofaiga fuafuaina i le tapulaa maualalo mo lena faafuaiupu e \$1 miliona”.

5.7. Fuaiupu 19(1).

la faaofi faaupuga “mo se sui o le aiga” i le parakalafa (c), (d), (e), (f) & (g) o le Fuaiupu “19(1)” ina ia faitauina ai le faa-fuaiupu fou 19(1) e faapea:-

“19. Faalēaogāina o pemita po o tulaga o tagatanuu-(1) E mafai ona faalēaogāina se pemita o tagata nofomau po o le tulaga o tagatanuu i tupe teufaafaigaluegaina i lalo o le Tulafono o le Ulufale mai o Tagata 2004, po o le Tulafono o Tulaga o Tagatanuu 2004 (i le a lava le tulaga e mafai ai) pe afai o le tagata o lo o teufaafaigaluega ana tupe:

- (a) ua ia lē mafai ona faatinoina le galuega ua agavaa e teufaafaigaluega ai tupe e pei ona manaomia i lalo o le fuafuaga o tupe teufaafaigaluega, i le faamalieina ai o le Komiti; po o
- (b) ua lē mafai ona tausia le aofaiga aupito maualalo o tupe ua fuafuaina i lalo o le fuaiupu 6(1)(b) i le noatia ma le fai fuafua i le fuaiupu 16(2); po o
- (c) mo se sui o le aiga ua faamaonia moliaga faaletulafono i Samoa po o so o se isi lava atunuu mo se soligatulafono lea e i ai se faasalaga o se sala tupe a itiiti mai e 500 iunite tau

faasalaga po o le nofosala i le falepuipui a itiiti mai e lima (5) tausaga; po o

(d) mo se sui o le aiga ua avea o se lamatiaga e ono tulai mai mo le puipuigamalu o Samoa po o so o se isi lava atunuu; po o

(e) mo se sui o le aiga ua aafia i so o se gaoioiga lea e mafua ai po o e ono mafua ai le tauvalea o Samoa; po o

(f) mo se sui o le aiga ua tuuina atu faamatalaga sese po o e tau faasese po o faamatalaga ia sa faamatuu atu ai le talosaga; po o

(g) mo se sui o le aiga ua lē mafai ona tausisia so o se isi lava manaoga ua faatonuina”.

Afuaga o le Teuteuga:

E tutusa lava mafuaaga ma meataitasi 3 (fuaiupu 10)

5.8. Fuaiupu 23.

la soloia le “parakalafa (b)” o lo o i le Fuaiupu 23 o le Tulafono. O le parakalafa (c) ia toe faanumera e avea ma parakalafa (b) fou, ma faitauina ai le fuaiupu 23 e faapea:-

**“23. Aofaiga o tupe fuafuaina ma pepa faatumu faamaonia-(1)
E mafai e le Minisita, e ala i se Poloaiga i totonu o le Savali, ona fuafuaina se aofaiga o tupe i totonu o fuaiupu nei:**

(a) mo le fuaiupu 6, o se aofaiga o tupe e lē itiiti ifo i lo so o se aofaiga ua taua i lena faasologa o i le fuaiupu 6(3);

(b) mo le fuaiupu 18(3), o se aofaiga o tupe e lē itiiti ifo i lo le \$1 miliona”.

Afuaga o le Teuteuga:

E faatulai mai mulimuli ane lenei teuteuga i le teuteuga ua fautuaina i le fuaiupu 7.

E lē o toe talafeagai le parakalafa (b) atoa, talu ai, ona e leai se aofaiga o faamaotiina i le fuaiupu 7(1), o le ala lea o le a noatia ai lisi i todogi faalisi e

fuafuaina e le Komiti Faatino o Eleele, ua aiaia i le Tulafono o Fanua, Fuagafanua ma le Siosiomaga 1989.

5.9. Fuaiupu 24.

la aveese le upu “**talosaga**” ina ua tuanai le upu “**mo**” i le faafuaiupu “**24(1)(b)**”, ma faitauina ai le parakalafa (b) fou e faapea;

24. Tulafono faatonutonu ma teuteuga o le Faamatalaga-(1) E mafai e Le Ao o le Malo, i le faia i luga o le fautuaga a le Kapeneta, ona faia tulafono faatonutonu e aloaia ai so o se aiaiga po o mo faamoemoega o lenei Tulafono, aemaise ai le faia o so o se tulafono faatonutonu e faapea e:

- (a) faatonu ai totogifuapauina, i le noatia ma le fai fuafua i le faamaoniga a le Komiti Faatino o Tupe Maua a le Atunuu ua faavaeina i lalo o le Tulafono o le Pulega o Tupe a le Malo 2001;
- (b) faatonu ai pepa aloaia faapoopo, faamatalaga po o nisi taualumaga e manaomia mo le faamoemoe o lenei Tulafono;

Afuaga o le Teuteuga;

O lenei teuteuga o le a faapea foi ona aofia ai taualumaga mo le Komisi Faamasino.

5.10. **Faamatalaga (Fuaiupu 5).**

la soloia faaupuga “e aofia ai le faatauina mai ma le atiaeina o so o se fanua ua faatonuina” ina ia faitauina ai le Faamatalaga o le Fuaiupu 5 fou e faapea:-

FAAMATALAGA (Fuaiupu 5)

GALUEGA UA AGAVAA E TEUFAAFAIGALUEGA AI TUPE

O vaega nei o tupe teufaafaigaluega ua avea ma galuega ua agavaa e teufaafaigaluega ai tupe mo le faamoemoe o lenei Tulafono:

- (a) lisiina ma le atinaeina o fanua o le Malo;

Afuaga o le Teuteuga;

O lenei teuteuga na faatulai mulimuli ane i le teuteuga i le fuaiupu 7 e pei ona fautuaina.

6. FAASAOGA O LE LOMIGA.

Ia aveese le fuainumera “2014” ma suia i le fuainumera po le tausaga sa’o “2015”, ma faitauina ai le igoa o le Tulafono e faapea:-

**“TULAFONO O TULAGA O TAGATANUU I LE
TEUFAAFAIGALUEGAINA O TUPE MAI FAFO 2015.”**

7. IUGAFONO:

I le maea o ana lloiloga, na faaiugafonoina ai e le Komiti e fautuaina le Fono Aoao:

Ina ia faamaonia le Tulafono Tau Faaofi o Tulaga o Tagatanuu i le Teufaafaigaluegaina o Tupe Mai Fafu 2014, faatasi ma Teuteuga ma le Faasaoga o le Lomiga.

SUI O LE KOMITI:

Tofa TUISA Tasi Patea
TAITAFONO

Susuga PAPALII Lio F T Masipau
SUI USUFONO

Afioga AFOAFOUVALE John Moors
SUI TAITAFONO

Tofa TAPUAI Toese Ah Sam
SUI USUFONO

Tofa LENATAI Victor Faafoi Tamapua
SUI USUFONO

Tofa LEFAU Harry Schuster
SUI USUFONO

Afioga LAFAITELE Patrick Leiataualesa
SUI USUFONO

Pepa Faapipii - 1.

Fesoasoani.

1. Ofisa o le Loia Sili.

Aumua T Ming C. Leung Wai	-	Loia Sili
Rupeni Nawaqakuta	-	Loia Faufautua
Meiapo Faasau	-	Ofisa Autu, Loia a le Malo
Siovia Florina Lui	-	Loia a le Malo

2. Matagaluega o Pisinisi, Alamanuia ma Leipa.

Auelua Taito Samuelu Enari	-	Ofisa Sili o Pulega
Lealali Ioane Okesene	-	Ofisa Sili Lagolago
Palota Lyndon Chu	-	Ofisa Sili Lagolago

3. Matagaluega a le Palemia ma le Kapeneta.

Laulu Henry Taefu	-	Ofisa Sili Lagolago <i>-Vaega Faaulufaleina o tagata mai fafo</i>
Talifaia Faatonu	-	Ofisa Autu

Molimau.

1. Sui o le Atunuu.

Papalii Grant Percival	-	Sui o le Atunuu
Le Tagaloa Pita	-	Matai Sili - <i>Savaii</i>
Lealailepule Rimoni Aiafi	-	Sui Usufono o le Palemene <i>-Faleata i Sisifo</i>
Vaafusuaga Falemalama	-	Sui o le Atunuu

Tialavea Fea T Seigafolava	-	Sui Usufono o le Palemene <i>-Vaa o Fonoti</i>
Aveau Nikotemo Palamo	-	Sui Usufono o le Palemene <i>-Faleata i Sasae</i>
2. <u>Faamalu o Faalapotopotoga Tumaoti a Samoa</u>		
Vaasilifiti Moelagi Jackson	-	Sui o le Komiti Faatonu
Moloo Pio Moloo	-	Sui o le Komiti Faatonu
Faafetai Alisi	-	Ofisa Sili o Pulega
Rosa Maulolo	-	Pule Faatonu - <i>Vaega tau Pulega</i>
3. <u>Sui o Tagata Fai Fefaatauaiga mai Atunuu i Fafu (Overseas Investment Agents).</u>		
Robson Liang	-	Immigration Advisor
Yueping Shen	-	Investor (Property Development)
William Yuan	-	Marketing Manager (Casino)
Elton Kuang	-	Property Developer
Ladesha Stevenson	-	Loia
Grace Stowers	-	Loia
Raffaella Ashwood	-	Loia Fauautua
